



Zaključak
o ispravci greške u Rješenju broj: UP 02-26-1-023-25/24 od 24.04.2025. godine

Sarajevo,
Juli, 2025. godine



Broj: UP 02-26-1-023-34/24
Sarajevo, 09.07.2025. godine

Konkurencijsko vijeće Bosne i Hercegovine, na osnovu člana 42. stav (2) Zakona o konkurenciji („Službeni glasnik BiH“, br. 48/05, 76/07 i 80/09) i člana 209. Zakona o upravnom postupku („Službeni glasnik BiH“, br. "Sl. glasnik BiH", br. 29/02, 12/04, 88/07, 93/09, 41/13 i 53/16), na 29. (dvadesetdevetoj) sjednici, održanoj dana 09.07.2025. godine, donijelo je sljedeći

Zaključak
o ispravci greške
u Rješenju broj: UP 02-26-1-023-25/24 od 24.04.2025. godine

1. U tekstu Rješenju po Prijavi koncentracije privrednog subjekta Tonnies International Management GmbH broj: UP 02-26-1-023-25/24 od 24.04.2025. godine, ispravlja se sljedeća greška:
 - u tački 4. Obrazloženja Rješenja (Pravni osnov koncentracije), na strani sedam, u petom pasusu u prvom redu riječi „zajedničko ulaganje na dugoročnoj osnovi, dva ili više nezavisnih privrednih subjekata, koji djeluju kao nezavisan privredni subjekt“ zamjenjuju se riječima „sticanje kontrole ili dominantnog uticaja jednog, odnosno više privrednih subjekata nad drugim, odnosno nad više drugih privrednih subjekata ili dijelom drugog privrednog subjekta, odnosno dijelovima drugih privrednih subjekata kupovinom većine dionica ili udjela u kapitalu“.
2. Ovaj Zaključak je sastavni dio Rješenja broj: UP 02-26-1-023-25/24 od 24.04.2025. godine.
3. Ovaj Zaključak će biti objavljen u Službenom glasniku BiH, službenim glasilima entiteta i Brčko distrikta Bosne i Hercegovine.

O b r a z l o ž e n j e

Konkurencijsko vijeće Bosne i Hercegovine (u daljem tekstu: Konkurencijsko vijeće) je dana 24.04.2025. godine donijelo Rješenje po Prijavu koncentracije privrednog subjekta Tonnies International Management GmbH, In der Mark 2, 33378 Rheda-Wiedenbruck, Njemačka, koje je aktom broj: UP 02-26-1-023-28/24 dostavljeno Podnosiocu prijave koncentracije.

Privredni subjekat Tonnies International Management GmbH je putem punomoćnika advokata Alme Hota, S.H. Muvektina br. 3, Sarajevo, dana 26.05.2025. godine podneskom

zaprimljenim pod brojem: UP 02-26-1-023-33/24, podnio Zahtjev za ispravku greške u Rješenju broj: UP 02-26-1-023-25/24.

Podnosilac zahtjeva u skladu sa članom 209. Zakona o upravnom postupku traži od Konkurencijskog vijeća da izvrši ispravku greške u predmetnom Rješenju i to u tački 4 u sljedećem paragrafu:

„U skladu sa naprijed navedenim, pravni oblik koncentracije je zajedničko ulaganje na dugoročnoj osnovi, dva ili više nezavisnih privrednih subjekata, koji djeluju kao nezavisni privredni subjekt, u skladu sa članom 12. stav (1) tačka b) Zakona.“

U paragrafu je navedeno da se radi o „zajedničkom ulaganju na dugoročnoj osnovi“ što nije ispravna kvalifikacija, jer se u ovom predmetu radi o koncentraciji iz člana 12. stav (1) tačka b) Zakona o konkurenciji, a ne o zajedničkom ulaganju na dugoročnoj osnovi koji je definisan u tački c) navedenog člana. Budući da je ispravno naveden član Zakona o konkurenciji, ali ne i odgovarajući oblik koncentracije, smatramo da je riječ o omašci jer je jasno da se ne radi o pogrešnoj pravnoj kvalifikaciji u obrazloženju Rješenja.

Konkurencijsko vijeće je postupilo po Zahtjevu za ispravku greške u Rješenju broj: UP 02-26-1-023-25/24 od 24.04.2025. godine, te je u skladu sa članom 209. Zakona o upravnom postupku odlučilo kao u dispozitivu ovog Zaključka.

Pouka o pravnom lijeku

Protiv ovog Zaključka nije dopuštena žalba.

Predsjednik

Ivo Jerkić